

Մարտիրոս սրկ. ին հետ, ու վերջինս զրկուած է Իզմիր՝ որպէսզի եթէ հոն ալ կան ուխտաւորներ նաև առաջնորդէ. նաևուն մէջ գտնուած են 200 հայ, 100 յոյն ուխտաւորներ և տաճիկ նաւաւարներ. Մարտիրոս վերադառնալուն՝ տեսած է որ նաևը հովէն քշուած ու տարուած է և ալէկոծութենէն ընկղմած՝ Իզմիրի առջև, և ուխտաւորներն ալ ծովամոյն եղած են. (տե՛ս Մատթիոս սրկ. և Գրիգոր պսրբ. Շիրապակիր):

ԵՐԵՄԻԱ ՎՐԳ. ՏԷՐ ՍԱՐԳԻՍԵԱՆՅ, ՎԱՆՆՅԻ (ՏԷՎԿԱՆՅ). — Մբ. Լիմ Անագատի. 1866 ին կ'այցելէ Ս. Յակոբի վանքը (Հ. Հ. էջ 271), 1868 ին եպս. կը ձեռնադրուի Ծոփաց աշխարհին համար. իր գրաւոր աշխատութիւններէն գլխաւորն է Հայրենասիրութիւն Հայոց անուն գործը:

ԵՐԵՄԻԱ ՔՀ. ԽԱՍԳԻՒՂԻ (Կ. ՊՈԼԻՍ). — 1865 ին կ'այցելէ Ս. Յակոբի վանքը եւ ըստ առաջարկութեան Եսայի պտրք. ի, կը կնքէ պայմանագրութիւն մը՝ Օրացոյցի պատրաստութիւնը սորվեցնելու՝ հինգ հազար դահեկանի սակարկութեամբ՝ միաբան մհտ. Յարութիւն Զինճիրճեանի եւ ուրիշ միաբաններու. այս խնդրին մանրամասնութիւնները տեսնել (Սիոն 1869, էջ 29-32): Ս. Յակոբի վանքի Օրացոյցը 1867 ին սկսած է հրատարակուիլ Երեմիա քհ. ի ուսուցման համաձայն. յիշելը 1880 ին կը վախճանի Սասգիւղի մէջ. բացի իր Օրացոյցներէն, որոնց հրատարակութեանը ձեռնարկած է սկսեալ 1839 էն, հրատարակած է նաև 1864 ին տումարական գրուածներ:

ԵՐՈՒԱՆԴ ԱԲ. ՔԷՀԵԱՅԵԱՆ. ԱՐԱԲԿԵՐՑԻ (ԾԱԳ. ԳԻՒՂԱՅԻ). — Ծ. 1903 ին, աշկ. Արաբկիրի Մայր Վարժարանին. 1915 ի տարազրութեան ատեն կը կորսնցնէ իր ծնողքը և պարագաներէն շատերը. տարազրութենէն ողջամբ կը վերադառնայ հայրենիք և 1922 ին կուգայ Հալէպ, ուր երեք տարի մնալէ յետոյ 1925 ին Երուսաղէմ կը հասնի եկեղեցականութիւնը ընդգրկելու համար եւ կընդունուի միաբան Ս. Յակոբի վանքին. դպրութեան և սարկաւազութեան աստիճաններ նախապէս ստանալով 1928 Հոկտ. 14 ին արեղայ կը ձեռնադրուի Ս. Գերիզմանին առջև:

ԵՐՈՒԱՆԴ ԵՊՍ. ՓԵՐՏԱՀՃԵԱՆ, ՍՄԱՍԻԱՅԻ. — Մբ. Արմաշու դպրեվանքին, Ծ. 1874 ին. Զո. 1901 ին. Առ. փոխանորդ Քղիի 1905 ին. 1908 ի կթղ. ընտրութեան պատգամաւոր, պա-